



Glavni centar za brojanje Sarajevo

Na osnovu Odluke o uspostavi Glavnog centra za brojanje broj: 07-2-07-4-2816/10 od 17.06.2010. godine i člana 3. stav (1) Odluke o imenovanju direktora i zamjenika direktora Glavnog centra za brojanje broj: 07-2-07-4-2816-1/10 od 15.07.2010. godine, direktor i zamjenici direktora Glavnog centra za brojanje raspisuju

JAVNI POZIV

za podnošenje prijava za rad u Glavnom centru za brojanje u Sarajevu

U Glavnom centru za brojanje će se obavljati sljedeće grupe poslove:

- 1. Nadzornik radnog odjela u Glavnom centru za brojanje**
- 2. Nadzornik radnog tima u radnom odjelu**
- 3. Referent za brojanje glasova i prateće aktivnosti**
- 4. Referent za unos podataka**
- 5. Referent za administrativno-tehničke poslove**
- 6. Referent za IKT podršku**
- 7. Unutrašnje osiguranje i recepcija**

U Glavni centar za brojanje angažovat će se do 500 izvršilaca u kojem će rad biti organizovan, počev od 15.09.2010. godine. Od 03.10.2010. godine (dan izbora) do potvrđivanja izbornih rezultata za organe na svakom pojedinom nivou vlasti, rad u Glavnom centru za brojanje bit će organizovan u tri radne smjene: (6,30 sati do 14,30 sati, 14,30 sati do 22,30 sati i 22,30 sati do 6,30 sati).

Opći uvjeti:

Pored posebnih uvjeta kandidat mora da ispunjava i opće uvjete:

- da je državljanin Bosne i Hercegovine,
- da ima navršenih 18 godina,
- da je psiho-fizički sposoban za obavljanje ovih poslova
- da protiv kandidata nije pokrenut krivični postupak za krivično djelo za koje je predviđena kazna zatvora ili da mu nije izrečena zatvorska kazna za krivično djelo učinjeno sa umišljajem u skladu sa krivičnim zakonima u Bosni i Hercegovini.

Posebni uvjeti:

Kandidati za grupu poslova pod tačkom 1. i 2. trebaju ispunjavati i posebne uvjete:

IV stepen stručne sprema-SSS, poznavanje izbornog procesa, prednost - prethodno radno iskustvo na provedbi izbora i poznavanje rada na računaru.

Kandidati za grupu poslova pod tačkom 3. trebaju ispunjavati i posebne uvjete:
IV stepen stručne spreme - SSS.

Kandidati za grupu poslova pod tačkom 4. i 5. trebaju ispunjavati i posebne uvjete:
IV stepen stručne spreme - SSS, prednost - prethodno iskustvo na sličnim poslovima unosa podataka i poznavanje rada na računaru.

Kandidati za grupu poslova pod tačkom 6. trebaju ispunjavati i posebne uvjete : IV stepen stručne spreme - SSS sa poznavanjem poslova adminstriranja i održavanja opretaivnih sistema i mrežne infrastructure, poznavanjem hardvera i rada na računaru.

Kandidati za grupu poslova pod tačkom 7. trebaju ispunjavati i posebne uvjete:
IV stepen stručne spreme-SSS, iskustvo na sličnim poslovima osiguranja objekata i poslovima sigurnosti, te poznavanje rada na recepciji. Prednost imaju osobe sa položenim ispitom za zaštitara ili iskustvom na istim poslovima.

Posebnu prednost za sve kandidate predstavlja radno iskustvo na istim ili sličnim poslovima tokom prethodnih izbora koji su održani u Bosni i Hercegovini.

Kandidati koji se prijave za rad mogu biti pozvani na razgovor ili testiranje.

Sa kandidatima koji budu angažovani zaključit će se ugovor o djelu na period do dva mjeseca, odnosno do okončanja rada Glavnog centra za brojanje.

Kandidati koji se prijavljuju na Javni poziv, ne smiju biti kandidati ovjerenih političkih subjekata na kandidatskim listama za Opšte izbore u BiH u 2010. godini kao ni posmatrači političkih subjekata !!!

Način prijavljivanja

Uz popunjen obrazac (aplikacija) prijave za rad u Glavnom centru za brojanje potrebno je priložiti sljedeće dokumente (ovjerene kopije dokumenata):

- kopiju važeće lične karte,
- dokaz o završenoj školi,
- dokaz o radnom iskustvu na istim ili sličnim poslovima,
- dokaz da kandidat nije u radnom odnosu (povrda od biroa za zapošljavanje ili potvrda da je kandidat student).

Napomena: U postupku izbora od kandidata se može zahtijevati i dodatna dokumentacija (ljekarsko uvjerenje o zdravstvenoj sposobnosti, uvjerenje o nekažnjavanju) dok svi kandidati koji budu izabrani moraju dostaviti uvjerenje o nevođenju krivičnog postupka, ne starije od tri mjeseca.

Obrazac (aplikacija) za prijavu za rad u Glavnom centru za brojanje bit će dostupan na recepciji Sekretarijata Centralne izborne komisije Bosne i Hercegovine, Danijela Ozme broj 7 u Sarajevu, kao i putem Interneta, na web adresi Centralne izborne komisije Bosne i Hercegovine: <http://www.izbori.ba> ./

Prijave treba dostaviti najkasnije do **03.09.2010. godine (petak), na recepciju Sekretarijata Centralne izborne komisije Bosne i Hercegovine, na gore navedenoj adresi, do 12,00 sati.** Nepotpune i neblagovremene prijave neće se razmatrati.

Kandidati koji uđu u uži izbor za angažovanje, bit će obaviješteni putem telefona o datumu i vremenu dolaska na razgovor ili na testiranje, a kandidati koji ne uđu u uži izbor za angažovanje, mogu, uz pisani zahtjev preuzeti predatu dokumentaciju na protokolu Sekretarijata Centralne izborne komisije Bosne i Hercegovine, Sarajevo ul. Danijela Ozme 7.